



FITJAR

Hordaland Fylkeskommune

5 MAR 2014

Statens vegvesen - Region vest
Askedalen 4

6863 LEIKANGER

Dykkar ref:

Vår ref:
2011/415-1634/2014

Sakshandsamar:
Atle Tørnes

Arkivkode:
Q33

Dato:
03.03.2014

Melding om vedtak - utviding av bompengerperiode E39 Halhjem-Sandvikvåg

Vedlagt følger utskrift av sak PS 8/14 – Søknad om utviding av bompengerperioden for E39 Halhjem-Sandvikvåg – handsama i Fitjar kommunestyre 19.02.2014.

Med helsing



Atle Tørnes
Rådmann

Kopi til:

Stord kommune - Rådmannen

Os kommune

Hordaland Fylkeskommune - Samferdselsavdelinga

Postboks 304 5402 STORD

Postboks 84 5202 OS

Postboks 7900 5020 BERGEN

Rådmannen

Fitjar kommune

Postboks 83, 5418 FITJAR
Telefon: 53 45 85 00
Faks: 53 45 85 01

Direktetlf. og e-post: 53458510
atle.tornes@fitjar.kommune.no

**MØTEBOK****Søknad om utviding av bompengerperioden for E39
Halhjem - Sandvikvåg**

Utval sak	Utval	Møtedato
3/14	Formannskapet	21.01.2014
8/14	Kommunestyret	19.02.2014

Vedlegg:

Skriv dagsett 13 januar 2014 frå Statens vegvesen.

Bakgrunn:

Denne saka har me arbeidd med i fleire år, og presentert i fleire saker og meldingar. Etter initiativ frå Stord og Fitjar kommunar, har no Statens vegvesen utarbeidd den endelege søknaden om utvida periode for innkrevjing av bompengar i ferjesambandet Halhjem-Sandvikvåg for 2015 og 2016, til finansiering av ytterligare tiltak på FV 545. Søknaden vert no sendt til høyring til kommunane Stord, Fitjar og Os.

Vurdering:

Dei siste tala i kostnadskalkylene for pakken Stord vestsida er som fylgjer:

Sagvåg bru	11,5 mill eks moms.
Rimbareid – Vik	38,25 mill eks moms.
Kommunegrensa	25 mill eks moms.
Fitjar sentrum – Bedehuset.	5,25 mill.
Samla utgjer dette	80,0 mill.

Det vert føresett at all refusjon moms vert tilbakeført til prosjektet. (Dette styrer fylkeskommunen).

Me har fylgjande samletal i **Pakke 1:**

Bompengar 2013/2014 (vedteke)	47,5 mill.
Forskottering	10 mill
Fylkeskommunalt tilskot	<u>7,5 mill</u>
Sum	65,0 mill
Brukt på strekning 1	20,8 mill
Sagvåg bru	11,5 mill
Disponibelt til Rimbareid - Vik	32,7 mill

Konklusjon: Me manglar 5,5 mill til Rimbareid - Vik i pakke 1. Det er ikkje midlar til tiltak på kommunegrensa og ikkje til Fitjar sentrum.

Ny bompengepakke:

Prognose for faktisk inntekt frå bompengar i 2015 og 2016 blir 49,5 mill., etter det gamle takstpåslaget med rabatt. I og med forslaget om endra påslag utan rabatter er talet litt meir usikkert, men me har ikkje grunn til å endra det.

Bompengar trinn 2 49,5 mill (to heile år)

Skal dekka:

Rest Rimbareid – Vik

5,5 mill

Utviding kommunegrensa	25,0 mill
Fitjar sentrum	5,25 mill
Sagvåg sentrum	13,7 mill

Sagvåg sentrum er sist prioritert og skal brukast som reserve i tilfelle sprekk på dei 4 andre prosjekta.

Det er føresett fylgjande framdrift i delprosjekta:

Sagvåg bru	2014
Rimbareid – Vik	2015
Resten	2016

Høringstemaet:

Statens vegvesen har no i skriv av 13.01.14 bede om at Fitjar kommune sluttar seg til søknaden om utviding av bompengerperioden med 2 år til 1. januar 2017. På grunn av EU-forskrift som medfører at det ikkje lenger blir gitt rabatt på bompengar, vil eit uendra takstnivå medføra at det blir større bompenginntekt. Statens vegvesen foreslår difor at påslaget på Halhjem – Sandviksvåg vert redusert frå 5 til 3 takstsonar som medfører ei endring på kr. 29,- til kr. 17,- i bompengar for lette kjøretøy.

I tillegg til Fitjar vert søknad sendt til lokalpolitisk handsaming i kommunane Stord og Os. Når vedtak ligg føre frå kommunane, vert saka til Hordaland fylkeskommune og deretter Statens vegvesen til Vegdirektoratet for vidare handsaming.

Det er grunn til å rekne med at saka vil koma opp i Fylkestinget i juni og til handsaming i Stortinget i haust. Tidlegare von om at ein kunne ha parallell handsaming i kommunane og innleiande organ i fylkeskommunen, med endeleg handsaming i fylkestinget i mars, har no vist seg at me ikkje får til.

Framlegg til vedtak:

Formannskap rår kommunestyret til å gjera fylgjande vedtak:

Fitjar kommune stør søknaden om utviding av bompengerperioden for E39 Halhjem-Sandvikvåg for perioden 1. januar 2015 til 1. januar 2017.

Kommunestyret har ikkje merknader til at bompengepåslaget på taksten vert redusert frå 5 til 3 takstsonar frå 1. januar 2015.

Behandling i Formannskapet - 21.01.2014:

Tilråding til kommunestyret: (Samrøystes)

Fitjar kommune stør søknaden om utviding av bompengerperioden for E39 Halhjem-Sandvikvåg for perioden 1. januar 2015 til 1. januar 2017.

Kommunestyret har ikkje merknader til at bompengepåslaget på taksten vert redusert frå 5 til 3 takstsonar frå 1. januar 2015.

Behandling i Kommunestyret - 19.02.2014:

Ordførar Wenche Tislevoll (H) orienterte om bakgrunn for saka.

Vedtak: (16 mot 1 røyst (FRP))

Som framlegg.

Atle Tornes
Rådmann